






coll. 50














2102

ANATOMIE

DES TROIS ORDRES

DE LA FRANCE,

Sur le sujet des Estats.

M. DC. XV.

THE NEWBERRY
LIBRARY

Case

F

39

.326

1615 an

ANATOMIE³

DES TROIS ORDRES

DE LA FRANCE,

Sur le sujet des États.

LEs sujets, & les occurrences filles de l'experience, terminent, & apportent vne beau coup plus solide, & resoluë definition es questions de tout temps agitées par les Academies, que ne font & n'ont oncques peu faire les ambigus, & differés iugemens de ceux auxquels la louche Antiquité a attribue le nom de sages, les surnommant Philosophes. Plusieurs desquels ont estime, comme appert par leurs elcripts (fidels telmoignages de leurs conceptions) Nostre instinct naturel estre directement plus porte au mal que non pas au bien, particulièrement à scindiquer les actions d'autrui. Les autres au contraire, ou soit qu'ils creussent leur humeur bonasse sympathiser avec celle du general, ou qu'ils attribuaissent vne necessité en Philosophie, de partialiser en opinions, ont par vne infinité d'argumens, manques

& Sophistiques tels que leur humeur melancholique leur a peu dicté, conclud nostre instinct direct en pour-pensans es actions d'autrui, incliner plus à la Creance du bien que non pas du mal Erroñee opinion condamnée par le iugement de tous ceux qui fondent leur résolution sur la pratique des affaires, *Confirmez par ce qui s'est passé ces derniers iours, où plusieurs de nos Princes, fidelles Colomnes de l'Estat, poussez d'un sainct zele pour la conseruation d'iceluy,* prouocquez par la commiseration des miseres publiques, ayant humblemēt requis de leurs Majestez la tenuë des Estats, Comme seul Aïyle de nos malheurs, pour par la résolution d'iceux, veoir la France, à present difforme & enlaidie par l'inhumanite des vices, remise en son ancienne splendeur. A l'abord, dis ie, qu'ils ont voulu former vne parole de reformation, tiree des plus secrettes & sincerés pensees de leurs cœurs: Ces bons Seigneurs ont esté baffoüez & déchiffrez brusquement & à l'estourdie, par vn million de langues viperines, en cohorte de calomniateurs, auxquels l'usage de la langue ne sert sinon que d'instrument à mesdire, sans que ceste troupe satyrique aye eu aucun respect à

leurs qualitez, ne apparence en leurs discours, que celle que leur imaginatiō trou-
blee leur a peu former, à la suggestion seu-
lement d'un nombre de partilans, de tout
malheur, associez de Satan, ses agents, &
facteurs, qui moissonnent iournellement
les commoditez du reste des François par
voies obliques & extraordinaires, redui-
sant les vns à telle necessité, qu'ils en sont
contraints payer prematuremēt le tribut
à nature: Et les autres apres auoir sué par
le cours de l'annee, sous l'esperance d'une
legere recompense, se voyent à la fin fru-
strez d'icelle, & spoliez de leur propre, ne
leur estant delaisé pour toute cōsolation,
sinon le plorer & le gemir, seur & libre en-
retien de leurs extrêmes necessitez. Et
partant iniques ephores, cessez de clabau-
der cōtre vne si sainte resolution de long
temps projectee par la prudēce de la Roy-
ne Regente, *aduouée par la propre bouche de
mon Roy*: Cessez de blasonner les deport-
emens de nos Princes lesquels ont toute la
France pour pleige de leur dire: Tous les
bons François qui se soubscriuent à leur
requeste, pourueu toutesfois que leurs
cœurs ne démentēt point leurs bouches,
& que leurs paroles soiēt les vrayes inter-

preres des affections de leurs ames: Pour-
 ueu, dis-je, que leurs lettres escrites de
 Mesieres, & d'ailleurs soient trompettes
 & herauts aduouez par leurs intimes &
 cordiales affections: car autrement le tout
 redonderoit à leur plus grande honte &
 confusion. Cessez de vouloir voiler le vi-
 ce & offusquer la vertu, & qu'il vous suf-
 fise pour mettre à roüet vostre insolence,
 que tout ainsi que l'or demeure toujours
 or, & la substance d'iceluy retient sa valeur,
 bien qu'il passe par la main des faux mon-
 noyeurs, de mesme la vertu retient tou-
 jours son esclat, brille & fait feu, quoy
 que les calomniateurs tâchent de l'offus-
 quer par l'espaissie nuee de leurs impoitun-
 res. & partant Momes intentez, retirez
 vous de cet ord & sale boubier de mesdi-
 fance, dans lequel vous croupissez, hale-
 nez vn air plus doux, donnez trefue à ce
 torrent de discours, auquel on ne scauroit
 trouuer vne seule goutte de raison. Et toy
 France ma chere patrie, seconde pepinie-
 re des beaux esprits, la fille aînée du
 ciel, l'œil droit de la Chrestienté, au-
 quel le long temps, qui a suiuy nos
 derniers troubles, a formé vne cataracte
 si profondemēt enracinée, que chopant

dés à present le concours diuin ie te vois
 reduite par vne suite ineuitable à don-
 ner du nez en terre. Pourray-ie te veoir en
 cet Estat & monstrier vn cœur plus ada-
 mantin que ne fait la stature d'Appollon
 à Cumes Organe du Demō? scachât com-
 me les Romains guerroyoient viuement
 l'Achaie prouince de la Grece, sa terre na-
 tale, & preiugeant la victoire pancher du
 costé des Romains, plora visiblement l'es-
 pace de quatre iours entiers : Pourray-ie
 te veoir enuahie par les vices & tenir les
 yeux secs? Non non il me reste encor quel-
 que ressentimēt de cet ancien nom Fran-
 çois, & partant j'abandonne entierement
 mon cœur aux soursirs & à la desolation
 iusques à tant que l'esperance qui me fo-
 mente aucunement par la resolution des
 Estats sera conuertie en vne perdurable
 stabilité. & par ce moyen rapportera quel-
 que consolation necessaire pour refrener
 mes douleurs. Et vous François, non plus
 sinō de nō & par ironie Scythies & barba-
 res en effect rasserenés vos esprits troublez
 par le desordre du temps, donnez trefue à
 vos desfreiglez appetits, licenciez les vices
 vos domesticques ordinaires & prouo-
 quez par quelque sainte inspiration, re-

mettez vous en Idee l'ancien lustre de la France, l'ordre qu'elle a tenu prescriuant des loix à toutes les Prouinces estrangeres: en somme jaloux de tant de vertus qui ont reluy en vós denanciers, par le moyen desquelles ils se sont reduits habitants du Ciel, le jour des belles âmes; delaisant leur memoire eternisee en terre: souhaittez euidentement & contribuez liberalement vos vœux à ceste generale & vniuerselle reformation: vniuerselle; dis-je, pour estre tout vicié, tout corrompu sans, exception d'Estat; parmi lesquels ie n'entends accuser les bons; desquels le nombre est fort petit, & pour plus ferme fondement de ce mien discours; despeschons de gros en gros ces trois Estats de la France, & vous iugerez que tout ainsi que le malade qui est d'vne robuste complexion conteste opiniastrement avec la maladie, & soustient l'assaut quelque temps tenant la victoire suspendue: mais en fin le naturel deuenu foible & debilité, ne pouuât supporter vn si long siege, est contraint se remettre à la deuotion de sa maladie; laquelle le liure à la mort: de mesme la France pour vn temps a rejette les pilules que les vices masquez

luy ont presente , a fait ferme à leur violence, les ayant par plusieurs fois rompus & mis en fuitte mais en fin ses propres enfans ayant tourné casaque, & comme ceste ancienne Tarpeia donna l'entrée aux Sabins sous la promesse de leurs carcans, & dorures, de mesmes les François ont donné l'entrée & les aduenues libres, à vne formiliere de vices sous le faux accueil de leur réception, telles que la France par succession de temps s'est rendue enueillie d'orgueil, enflée d'hydropicque & insatiable ambition, grossie de mesdisances cōcussiōs, iniustices, & tellemēt accablée d'vne sequele de maux, qu'elle est proche de ressembler vn abyfme ou cahos de toute espeece de confusion, si la prudence & bon naturel de nostre Roy meslée de la sagesse de sa mere & par l'aduis des naturels François non abastardis ne, entachez des susdits crimes ne la releue introduisant la vertu, exilant le vice, & vicieux les remetāt le Royaume en police. Et pour reprendre le fil de mes discours anatomisons ce microcosme, visitons ses cicatrices selon les trois diuerses conditions qui forment le corps de l'Estat; commençons par l'Eglise, puis qu'elle doibē

estre l'exemplaire des bonnes mœurs, & le lien des autres ordres, d'escouurons hardiment la honte bien que comme les enfans nous la deussions plustost couvrir que publier, puis que par ce moyen nous esperons luy reuoir le front poly, & sans ride, si nous y entrons nous trouuerons les Ministres pleins de conuoitise, nous trouuerons leurs mains dediees pour le culte diuin, s'employer aux arts mecaniques sous l'esperance d'un lucre sordide, leurs yeux tellement attaches à la terre, qu'ils semblent estre posez en sentinelle pour la conseruation de leurs facultez caduques & perissables leur cœur ne respirer rien de celestes, en fin manier les choses sacrées par maniere d'acquit nous les trouuerons despoüillez & vuides de toute sainteté, les traces & vestiges de nos anciens Peres Coumots & mis en oubly desquels ils se sont detracquez, l'ignorance qui y faict eschole les ayant disposez à toutes ces contrarietez de vacquation, & comme hierarchies celestes les inferieurs reçoient l'iniure par le moyen des Superieurs, de meismes en l'Eglise les chefs & pasteurs qui deuoient seruir de reigle & patron aux

autres, par leur negligence & fetardise li-
 cécient les membres à prophaner les cho-
 ses sacree, speſſe. meſſes, les abus, ſuperſti-
 tions, avec les religieuſes ceremonies,
 cours de tāt d'heresies qui pululer de iour
 en iour en ce ſiecle de fer: Et de plus, cōme
 les Baleines & Dauphins deuorent & en-
 gloutiſſent le reſte des poiſſons: de meſ-
 me les Potentats commis pour la conſer-
 uation du reſte, abſorbent leurs facultez:
 Les Canons, les Inſtitutions des Samēts
 Peres, ſoit en l'eſlection des Prelats & Pa-
 ſteurs, ſoit en l'eſlection ordinaire du Sa-
 cerdoce, ſont auourd'huy ſans force, &
 ſans vigueur: La faueur & l'argent ſ'eſtans
 emancipez d'empieter ce qui eſt legiti-
 mement acquis à la pureté de conſcience,
 & au merite. Et à ce propos, du temps que
 les eſlections eſtoient remiſes à l'Egliſe,
 comme du depuis l'ordonna Charles le
 Grand (Prince digne de memoire pour
 ſa pieté) S. Gregoire Eueſque de Neoce-
 ſaree, eſtant appellé à l'eſlection d'un Eueſ-
 que, apres que pluſieurs des aſſiſtans eu-
 rent donné leurs ſouffrages à quelques-
 uns, recōmādez par leurs qualitez huma-
 nes, s'opposant à leur intention, ſouſtint
 qu'il ſuffiroit à celui qui ſeroit eſleu, de

porter le merite de ceste dignité en sa vie,
 & en ses mœurs: Surquoy l'un de sa com-
 pagnie repart par forme de mocquerie,
 qu'il faudroit dōc nōmer Pierre le charbō-
 nier pauvre homme, mais de bonne &
 saincte vie: nomination qui succeda à la
 confusion de l'harangueur, d'autant que
 ce charbonnier fut preferé & esleu Eues-
 que: mais au temps qui court, l'extraction
 ou les richesses l'emportent sans aucun
 obstacle, telles que plusieurs de ceux qui
 sont dediez à l'Eglise, nous deuroient ser-
 uir de mire à la contemplation de ce grād
 soleil de iustice, donent leur apparence
 à la deuotion, & l'interieur à la mondani-
 té, croyant tromper le scrutateur de nos
 cœurs, comme ils seduissent les hommes.
 Ne sçait-on pas aussi comme en France
 les trois quarts des benefices sont posse-
 dez par personnes laïques, le reuenu d'i-
 ceux enleué par des mains prophanes de
 vn & l'autre sexe indifferemment: Et
 quelle plus grāde impieté peut estre com-
 mise, que d'enfraindre les dernieres vo-
 lontez de ceux qui ayans plus de foy & re-
 ligion que nous, ont liberalement legué
 à l'Eglise, tant & de si beaux biens pour
 l'expiation de leurs fautes, qu'auioird huy

il soit diuerty & dissipé és cuisines de personnes mariees. Si nous auions quelque estincelle de pieté, nous deurions auoir esgard à la condition des môrts. Quel plus signalé meffait, que de veoir Gētils-hommes & autres, somptueusement vestus, couuerts d'or & d'argent, & les Autels nuds & dégarnis, les Ecclesiastiques sans ornemens, sinon que de viles & basses estoiffes, deschirees la pluspart, de les veoir, dis-je, faire grand chere, despendre en festins & banquets, danfes & balets, à la Sardanapale, le patrimoine du pauure Crucifix, & nos Prestres, ceux mesmes qui auront vsé force huyle, consommé vn long aage en veilles & estudes, estre confidentaires, & ne jouïr que d'vne dixiesme partie des benefices dont ils sont titulaires: Et comment peut-on plus directement s'attaquer à Dieu, que de laisser crouler en ruine tāt de superbes & magnifiques maisons? tant de Temples, marques d'vne sainte & veritable antiquité, qui luy sont dediez: les finances qui deuroient estre employees, nō à les estayer & reparer seulement mais à les accroistre & embellir, & mises à bastir & construire chasteaux, enleuer des tours d'orgueil, qui font mine

deuouloir porter leur maistreiufques au
ciel empiree, ou plusto ft à l'exemple d I-
care, les font grimper si haut, pour ren-
dre leur cheute infaillible, plus domma-
geable, & pour les precipiter au profond
desabytmes Bref que voyons-nous autre
chofe que corratiers & marchâs de bene-
fices foires & marchez en l'Eglise, vendre
& commuer Abbayes, Euefchez, Cures,
& telles autres choses destinees pour l'en-
retien de ceux qui seruent à l'Autel, pra-
tiquier vne pure simonie, comme par cou-
stume & vſage inueterere. D'ailleurs, a quel-
les charges ſont aujourd'huy appelez les
Ecclesiastiques en France Ne ſont-ils pas
exclus de toutes les grandes dignitez de
ce Royaume, deſquelles en auoient l'en-
tiere diſpoſition ſouz les regnes de nos
predeceſſeurs, par l'adminiſtration deſ-
quels l'harmonie del'Eſtat rendoit des
Conſeils ſi conſonances, beaucoup plus
agreables que non pas à preſent; que ceux
qui en ont le maniment tiennent les char-
ges comme heritages à eux propres, &
ſous le tiltre de perſonnes publiques, reſe-
rent le bien du general à leur particulier,
à la faveur du temps. Par quelles extraor-
dinares menées ſont-ils recherchez en

France, contraincts aux gabelles, gourmandez par les executeurs & officiers d'icelles, surchargez de decimes à leur totaleruy e, priuez de tous leurs priuileges & immunitiez, iusques à les mespriser, & n'en faire plus d'estat, grand & enorme sacrilege, de fouler aux pieds ceux qui vacquent & seruent au sacré Sanctuaire, qui commandent dans les cieux, les ouurent & ferment avec vne parole. Cela cessant, puis que toutes choses sont disposees d'apporter la sonde necessaire, & par consequent le remede à toutes vos offenses, puis que l'õ est en voye de mettre fin à vos plâintes & doleances (Messieurs d'Eglise) puis que la France pieusement vous a deferé plus d'honneurs que toutes les Provinces estrangeres, vous plaçant au premier rang de l'Estat, des deux autres ordres puis que vous deuez instruction, par exemples, & paroles, par vie, & doctrine, tronquez & mulitez les membres de vostre corps qui peuuent estre vlceréz, auparavant que sa playe deuienne, d'auantage inueterée, que dorenauant vos coeurs atteints de l'aymans de l'amour de Dieu, ne vise qu'à la contemplation de ses merueilles, seurez vos affections des delices terre-

ftes pour les esleuer, à l'administratiō des
 Celestes, iurez, vn d'iurce irreconciliable
 au peché, & prenez garde que vous qui de
 uiez appaier le courroux de Dieu, ne l'ex-
 citerez sur nous, vous estes les montaignes
 qui receuez les premieres infleuences ce-
 lestes, & par consequent selon la disposi-
 tion les premiers coups du foudre, & nous
 comme valées en suite, cōmēcez à vous
 reformer afin qu'en vous jmitant tous par-
 ticipent à ce saint dessein. de despoüiller
 le vieil serpent, & que toutes les lignes de
 ceste circonference, viennent en fin abou-
 tir à leur centre la Celeste Ierusalem.
 Les Eclipses solaires apportent plus
 de prejudice que celles des autres plan-
 etes, de mesmes les fautes des Prestres in-
 ferent vne consequence plus dommagea-
 ble que celle du reste : vous sçauiez que
 les legeres fautes, és autres sont de grands
 crimes en vous, puis que où il y a plus d'o-
 bligation & de deuoir, l'offence, & le cri-
 me sont plus grands, & par consequent la
 punition portée en crouppe par le pe-
 ché, comme bessons, plus perilleuse. Pour
 preuue de ce en l'Ancienne Loy, il estoit
 enjoinct au Prestre de presenter mesme
 sacrifice pour l'expiation de sa faute, que
 celuy

celuy qui estoit ordonné quand tout le
 peuple auoit failly, & partât miserables se-
 rez vous, si vous entraignez l'alliance que
 vous auez si estroitement, contractee avec
 le Ciel, & vous rendre coupables du cri-
 me d'Acaristie: & vous abominables Sy-
 moniacles, vous heritiers de Symon Ma-
 gus, ses complices, & adherans: Oferez
 vous encorés verser effrontément parmy
 nous après auoir tant encouru de censures
 & excommunications, parmy lesquelles
 l'Eglise a apporté de rigoureuses peines ad-
 mettant contre ceux qui sont soupçonnez
 de ce vice pour l'horreur du crime la de-
 position des infamés, qui par les loix ciui-
 les sont priuez de donner tesmoignage: &
 vous auenglez possesseurs de benefices, in-
 iustement, qui formez des atomes d'espe-
 rence d'enleuer & accroistre vos maisons
 par ce moyen, encor que ce soit le boule-
 uersément asseuré, que confondez le Ciel,
 & la terre, le spirituel & le temporel, apre-
 nez que comme la plume de l'Aigle mes-
 lée parmy celle des autres Oyseaux la dis-
 sippe dans peu, de mesme le bien dedié à
 l'Eglise consomme le patrimoine, & le re-
 ste des facultez de ceux qui en abusent.
 Toutes ces difformitez en l'Eglise suffiroie

pour y rejeter les afflictions qui nous tallonnent de moment en moment, comme à la cause premiere d'icelles: mais qui traient vne queüe torte & retorte d'une infinité de vices accomplis, ou par elle parvenus au tiers Estat à & la Noblesse, ou d'eux à elle, & qu'ainsi ne soit: si nous considerons l'Estat de la Noblesse, nous y verrons l'ambition regenter imperieusement, leur demarche desdaigner cete masse grossiere de la terre qui les soustiët, leurs ames reuesches, feintes, & dissimulées estrange-mët, leurs paroles, ou emmiellées, afin de piper quelqu'un, ou pleins de blasphemmes pour ornemens de leurs langages. Par l'orgueil empraint en leur visage, ils semblent vouloir contre-carrer le Monarque du Ciel, Panonant ainsi à l'occasion d'un Tableau parfumé de leur antiquaille, foibles & debiles roseaux, sujets au moindre soufflé d'Aquilon, qui neantmoins veulët faire teste au plus haut Cedre du Liban. En valeur ils n'ont point degeneré à celle de leurs progeniteurs, Et ne doiuent aucun retour à ceux qui les ont deuancez. Ce seroit impudemment mentir d'acertener qu'ils n'ëayët beaucoup: Mais à quoy l'employent-ils? Sion les somme de s'es-

carter de leur foyer pour aller contre les
 Othomans defendre la iuste querelle du
 Ciel , ils ne sont pas accoustumez à de si
 longs & perilleux voyages : Si on les inuite
 d'aller aux guerres estrangeres donner de
 la terreur à ceux qui temerairement vou-
 droient troubler le calme de la paix , dont
 nous iouïssons de long temps. Ils ne sçauēt
 pas la langue ny le país : Mais pour rendre
 préuue certaine de leur valeur , la France
 leur patrie est vn assez ample Theatre , l'e-
 stenduë d icelle est vne belle Carriere à
 leurs deprauez desseins : Ils n'appetent
 que guerres ciuiles, que confusions & dé-
 bordemens en l'Estat , ils ont la main le-
 uée, preste au moindre vent de suffoquer
 celle qui les a nourris & esleuez : La Fran-
 ce, disie, leur acquiert assez d'honneur par
 la libre practique des duels , vuidange de
 leurs querelles, fondees aucunes fois sur la
 poincte d'un festu. Ouy, si la licence du
 temps peut sainemēt apporter mesme dé-
 finition à la manie & à l'honneur : Si la ver-
 tu, & le crime ne different en rien, Si les
 loix diuines & humaines , sont assëruies
 aux tranchans de leurs espees: Gloutons
 ils se repaissent de leur propre sang: Tygres
 se destruisent eux-mesmes , & ne se pen-

uent rassasier que par leur propre chair,
 parole indigne de ceux qui portent le nom
 d'hommes, où l'honneur de Dieu est of-
 fensé, & les loix humaines violées, de nom-
 mer honneur vnerage & soif de vengeance:
 le Prince Image de Dieu, n'ordonne
 rien contre l'honneur, il en est le dispensa-
 teur. Et partant, puis que par ses loix, telle
 pratique inhumaine & detestable est to-
 talement prohibee, on ne scauroit la colo-
 rer du tiltre d'honneur, & en donner cre-
 ance sinon qu'à des esprits foibles & debi-
 les, qui ne recherchent l'essence de la cho-
 se & s'arrestent à l'apparence. I'estime cet-
 te pratique brutale, soudre d'une manie-
 iuste fleau de l'ire de Dieu, Comme les fu-
 rries qui transportoient Orphee apres qu'il
 eust apporté les mains violentes à sa mere,
 l'horreur du crime interrompt mon dis-
 cours, & m'impose silence. Quelle rigueur
 en outre exercent-ils enuers leurs subjects
 & iusticiables; semblable ou peut estre pi-
 re que les anciés à l'endroit de leurs esclaves
 qu'ils auoient acheptez à beaux de-
 niers contents, par mespris de Iustice. Ils
 les battent, excèdent, deprauent, enleuent
 leur aliment, ce non obstant la plainte leur
 est defendue sur peine de pis. D'où vient

que plusieurs du corps de la Noblesse estiment les lettres indecentes à ceux de leur profession? Qu'ils tiennent les qualitez de docte, & genereux, incompatibles, cōme l'eau & le feu, contraires en creance à tant de Césars, tant de Pompees, tant d'Alexandres qui ont tesmoigné l'eloquence, n'alterer en rien la generosité d'un Soldat & Capitaine, au contraire, ont estimé icelle luy seruir d'esperon; d'où viēt que leurs manoirs qui souloient estre autant d'escoles à la vertu, sont autant de retraictes affeurees aux vices; d'où vient qu'auioird'huy en France les plus belles qualitez destinees par la loy fondamentale à ceux qui seroient attestez Nobles par plusieurs actes de vertu, comme Gouuernemens, Capitaineries, Lieutenances, Guidons & Enseignes & autres telles charges, soient vendues & subhastees, mises à l'encan au plus offrant & dernier encherisseur, d'où procede que la sacree personne de nos Roys soit mise cōme en depost, & donnee en garde à toutes personnes indifferēmēt, qui en acquierēt les charges à force d'argent, aisez à corrompre par le mesme qui les y a admis, la pluspart roturiers, & de tige & d'effect: D'où procedet tant de desordre

en la Milice, que ceux qui n'ont iamais esté au hale du Soleil, & à la pouffiere, tousiours oysifs à l'ombre de leur toict, d'abord paruiennent aux plus belles charges del'espee, que ceux qui n'ont oncques appris à obeyr, se messent de commander, par vn trafficq infame: où au contraire ceux qui d'un cœur Martial & genereux, auront frequenté les meilleures escoles de l'Europe, qui ont cherché toutes les occasions pour signaler leur adresse, qui ne sçauent où porter la main que sur la poignee de leurs espees, l'œil sinon sur vn champ de bataille, qui mille fois ont porté le pied en vne bresche, ceux-là en seront frustrez, & leur courage appuyé d'une prudente desolation leur est à charge, au lieu qu'en toutes charges militaires, le merite deust estre preferé à toutes les richesses d'un Cresus, & que l'on y deust paruenir de degré en degré, pour stimuler ceux de ceste profession, de faire de mieux en mieux: vieille & equitable ruse, vsitee par tât de braues Capitaines qui nous ont frayé le chemin. D'où vient aussi que l'on tollere, que tant de port-espees, tant de jadis Goniats, traine-gaines de cetemps, sans front osent s'intituler nobles, au grad

preiudice des vrayns nobles, desquels ils diminuent & auilissent la qualité, au grand interest du commun peuple, lequel ils deueroient soulager, contribuant comme luy aux tailles & autres impositions, tant ce desfreiglement ne peut estre deferé au temps, il procede des hommes, & non des faisons, comme dignement l'a representé Seneque à vne Epistre qu'il escrit à Lucilius: Tous ces pretendus nobles qui se jactent & se ventēt de la gloire de leurs progeniteurs, cherissent le vice & la cruauté, maculans l'honneur & la vertu, ressemblent à l'eau croupie & bouëuse, decoulee d'une source tres-claire & argentine: & partant (Messieurs) puis que la vraye noblesse consiste en l'excellence de la seule vertu, puis qu'en consequence d'icelle, & par prerogatiue concedee à vostre valeur, comme sa germanie, vous estes liberez de rous subsides immunes, de toutes cotti-fations, si vous faictes espaule au vice, vous jettez vne cōdemnation diffinitive à l'encontre de vous, puis que par les loix celuy est presumé tel quelle est son habitude, & que cessant la cause du priuilege, l'effect d'iceluy doit cesser: & partant cessez d'estre manipulateurs du vice, & vous rendant

sectateurs de la vertu entrez au temple de l'honneur par celuy de ceste Deesse; permettez toutes choses, voir les plus desespérées auparauiant que de voir flestrir ceste qualité qui vous retire de la lie du peuple; & ce faisant la France demeurera asseurée sous le Bouclier de vostre protection. La renommée chatoüillera les oreilles les plus escartées de vostre reputation, & tous les François vous rendrôt escorte fauorable. Le tiers Estat qui comprend en soy la Iustice, les Finances & le reste du peuple, vient en suite, tellemēt infectée de ce poison, qui s'est insensiblement glissé & respandu par toutes ses veines, qu'il semble percluds & hors d'esperance de pouuoir iamais reprendre couleur. La Iustice tutrice des Empires, conseruatrice des vueufues & orphelins, s'est volontairement exilée de la France, & releguée en pays estrange, pour destourner son œil chaste d'une impudique, & indecente venalité qui se pratique par ses Ministres: & en son lieu l'injustice, l'ot, l'argent, & la faueur, couuertes de son mesme manteau, disposent de la vie, de l'honneur & des facultez d'un chacun selon leur portée, qui n'a autre conduite que la fantasie de ses Ministres, c'est

vn precepte endialecticque, que d'un faux
& depraue principe, on ne peut tirer des
conclusions solides & asseurées, de mes-
me, par l'iniustice venalite des offices, la
fonction & administration de la Iustice, ne
peut s'affermir & faire valider ses resolu-
tions, d'autant que la mesme chose qui a
creé les Magistrats, la mesme les entretiēt.
Et comme le cocordil sort d'un œuf non
plus gros que celui d'une oye, & neant-
moins croist iusques à vingt-deux coudees
au raport de Plin (Philosophe qui plus
que nul autre a profondé les secrets de na-
ture) de mesme cest infame traficq qui s'est
subreptissement coulé parmy nous, affu-
blé comme l'on dit d'un sac mouillé, a eu
ses principes tollerables, puis agrandy au
progrez, a pris pied, s'est tellement aug-
menté aue c'l'aage, & est deuenue à vn prix
si excessif qu'il n'y a que ceux appelez par
le prouerbe biēheureux desquels les peres
font suppliciez parmy les Tantales, les Sy-
siphes, & les Prometées, ou ceux qui pre-
nant goust aux corruptions de nostre sie-
cle par la subtilité de sa Musique dorien-
ne, ont entacé des montagnes d'or qui
paruiennent aux dignitez de iudicature,
puis qu'à la promotion on ne s'enquiert

plus quil font , ceux qui les pourchassent ,
seulement demande on combien ils ont ,
tellement que les Iuges distribuēt plus en
detail , ce qu'ils ont achepté en gros. Ve-
nerable Themis qu'il faille ainsi te voir
prosternée pour contenter les passions ex-
trauagantes d'un nombre de Scelerats ,
qu'il faille te veoir venale & asseruie à ce
vil metal , l'or & l'argent tiré des entrail-
les & excremens de la terre , toy qui n'as
origine que du ciel , pure & immode Dees-
se , & vous iuges insatiables , qui auez par
tout dispersé les mal-heurs reclos dans la
boitte de Pandore , qui auez estalé vne
nundination non ouye , dont les premiers
discours enuers ceux qui requierēt iustice
font qu'ils rendent la bource , à la façon
des Pyrates de mer , ou de quelques vo-
leurs qui habitent les plus espesses forests :
vous miserables , par dispense desquels
tant de chicaneurs escument le plus liqui-
de des pauvres necessiteux desquels vous
deuriez pour le deub de vos charges es-
pouser les querelles & prendre la cause en
main , viperes empelstees , qui vomissez sou-
uentes fois des condempnations mal dige-
rées , dispersant la proye de la Colombe ,
au funeste Corbeau , malheureux qui par-

nenez à ces charges par des voyes si rabor-
 teuses & esloignées deraisõ, qui faites ve-
 nin de tout bon suc, sachez que le dragon
 attaquant l'Elephant le picque par les
 flancs, puis luy succe le sang, tellement
 que l'Elephant en meurt, mais mourant
 tombe sur le Dragon & l'acrase de mesmes.
 Iuges auaricieux, vous succez les fortunes
 du peuple, les faisant mourir: mais ceste
 mort retombera sur vous & vous donnera
 l'eternelle. Les Anciens commettoient
 quelques fatalites pour empescher l'en-
 trée du temple de Minerue aux chiens, &
 nous permettrons que le Temple de Iusti-
 ce, refuge des oppressez, soit pollü & con-
 taminé par tant de monstres & tant de
 Cerberes qui le frequētent ordinaiemēt,
 & y president. De quelle veine Sybillique
 osas-tu nommer l'auarice, estre le donjon,
 & la forteresse & la Metropolitaine de
 toute iniquité? sçauant Diogene, de quel
 souffle diuin estois-tu imbu, magnifique
 Licurgue, lors que chassant l'or & l'argent
 du commerce de tes Citoiens, tu osas en-
 ronner iceux, estre la matiere de toute
 meschanceré, ô que maintenant l'expli-
 cation de vos cēturies nous demeure net-
 te & espreuuee: maintemāt dis-je que les

charges de Iustice & de police sont mises à prix, adiugees au plus offrant, fust il bouffi d'ignorance, & farcy de mauuais desseings, & au contraire, ceux ausquels le merite, le sçauoir, & autres vertus apporte quelque cōformité avec les Anges, ceux qui sont munis de toutes sortes de preseruatifs contre les vices (pestes de ceste vie) ceux là sont rebutez sans espoir d'estre recompensez de quelque tiltresortable à leurs merites, tant de marques, tant de belles qualitez leur sont onereuses, bien que tel honneur, doie proceder de la vertu, & que tout autre soit adulerin. Et à ce sujet, le diuin Platon à vn Dialogue intitulé de la Republicque ou du iuste, nous presente vne comparaison bien reuenante à nostre discours. Si (dit-il) ceux qui ont desseigné quelquelon voyage sur mer, fient la conduite de leur nauire à des Pilotes, riches & bien fondez, rudes toutesfois & mal experimentez, & particulièrement le timon, la conduite duquel doit briser les escueils excitez par les tempestes, & rejettent ceux qui sont consommez en experience, semblent que tels voyageurs prestent vn taisible consentement à leur naufrage: de mesme en l'E-

stat, Si l'intendance d'iceluy & les charges
sont concedees à des personnes qui soient
neoptolemés du mestier, trancules, igno-
rans. Ceneantmoins riches à tout, & qu'à
ce sujet on rejette les esprits mœurs par
vnelongue estude, fermes en leurs con-
seils & resolutions, nous contentons par
ce moyen à nostre ruy, nous donnons
nostre calcul à la subuersion, & n'en pou-
uons esperer autre chose: aussi toute entre-
prise estoit infortunée à Athenes, tant que
la statue de Minerue estoit voilee; de mes-
me en France tant & si long temps que la
Iustice sera demise de son siege, l'Estat ne
peut qu'il n'aille en decadence, & comme
les Naturalistes rapportent, pendant que
le Soleil fait sejour au signe de lyon, le Nil
auoir ses debordemens rapides, ses ondes
inegales, son flux & reflux menaçant de
peril: mais pour lors qu'il entre au signe
de la Vierge, ce fleuve calme son cours,
rend son eau lente & agreable. Sem-
blablement j'oseray dire que tant que
ceux, qui comme le Lyon ont les par-
tes crochuës, le cœur felon plein d'hy-
pocrisie, possederont les Offices, l'exerci-
ce de la Iustice sera insolent: mais si vne
fois ils retombent entre mains de person.

nes vierges, dont les iugemens & conseils
 soient elpurez de toutes passions, pour lors
 nous serons à l'abry des coups du Ciel &
 des violences de la terre : Pour lors ceste
 celeste Vranie rendra son operation plus
 coulante: Et parce qu'elle contient en soy
 toutes les autres vertus, elle les fera esclor-
 re. Les anciens, quoy que Payens & priuez
 de la lumiere d'une vraye foy, nous jettent
 la pousserie aux yeux, & nous impriment
 la honte sur le front toutes & quantes fois
 que nous voulons entrer en Parallele, &
 conformer nos ordonnances aux leurs, en
 ce qu'ils ne défendoient pas seulement la
 venalité de toutes charges : Mais en outre
 prohibuoient la recherche des moyes qui
 pouuoient apporter faueur à ceux qui les
 recherchoient. Nos lois, nos statuts ont
 force connexité auec les leurs : mais l'exe-
 cution en est autant differente, puis qu'ils
 les ont conseruees franches d'un simple
 soupçon : & qu'au contraire, l'auarice &
 l'ambition dignement appellees par Ty-
 mon Philosophe elemens de tous maux :
 parce que comme de ces premiers, & se-
 conds principes, naissent toutes choses, &
 prennent accroissement : de mesme l'aua-
 rice & l'ambition, ont conceuë, enfanté,

& donné nourriture, à vne mere Kyrielle de maux : qui du depuis ont foulé aux pieds, & suprimé sans respect nos loix, nos ordonnances, vray & salutaire Theriacque diuinement recherché pour annihiler leurs debiles inuentions. Ce considéré (Messieurs) qui estes appelez à des dignitez si releuees, apprenez du pourtraict des Egyptiens, quel doit estre le deuoir du Magistrat, ils peignoient leurs Iuges, ayans les yeux d'une grande viuacité, signifiant moralement qu'ils doiuent estre tousiours aux aguets, pour descouurir les pernicieuses conspirations, veiller à la conseruation de ce qui appartient legitimement à vn chacun, penetrer comme le lix le mur, des consciences affreuses, qui machinent des coniurations Catilinaires, puis en outre les bras racourcis, n'ayans point de mains, donnant à entendre que les distributeurs de la Iustice ne se doiuent laisser corrompre pour quelque consideration qui leur soit obiectee. Apprenez d'Aristides surnommé le iuste, quels vous deuez estre, lequel enquis de l'office d'un Iuge equitable, par vn repart Laconien succinct & sententieux respondit seulement, ne conuoiter rien de l'autrui : apprenez

des exemples d'un Licurgue, & d'un Calicratidas, vos mœurs, vos deportemens. le premier auoit tellement buriné en son cœur le respect deu à la iustice que luy estant offert, par vne sienne belle sœur, la Regence absolue de Sparte, à condition de l'espouser & de consentir à la mort d'un Posthume sien neveu, legitime heritier de la couronne, rejecta ces offices comme quelque mortel poison, enleuant son neveu des mains de ceste Laye Spartiane, à l'instruction duquel il print vne indigne peine, preferant la condition d'iceluy à la sienne, pour n'offencer en rien les loix & la Deesse. Et cest autre Calicratidas prefet d'un nauire, auquel comme quelques soldats de Lysander eussent offert cinquante talents pour faire le gliron, & destourner sa veue d'un meurtre qu'ils vouloient perpetrer à certains ennemis de leur maistre, d'un cœur despit & irrité, les menaça d'une sanglante punition, s'ils n'estouffoient telle proposition en sa conception, rejetant au loin leurs cinquante talents: & comme Cleander l'un des Conseillers eust dit que telles offres luy sembloient fort plausibles, & que s'il eust esté Calicratidas il les eust acceptées: Et moy
repart

repart le Prefect. Si ieusse esté Cleandre,
 ô que les Licurgues, les Calicratidas, sont
 des Phœnix en ce temps: que nostre Fran-
 ce fourmille en Cleandres, ausquels ie sou-
 haiteroye, & avec raison la mesme puni-
 tion, que celle ordonnee par Numa ancîe
 Legiflateur, aux Religieuses vestales, les-
 quelles auoient en garde le feu celeste, à
 condition qu'elles conserueroient leur vir-
 ginité, & si quelqu'vne venoit à faire bre-
 che à sa reputation, elle estoit visue ense-
 uelie en vne fosse destinee à cest effect:
 Qu'à la mienne volunté, les Magistrats de
 la iustice, vray feu celeste, fussent suppli-
 ciez d'vne semblable peine, lors que don-
 nant credit à la poussiere des Indes, se lais-
 sent esbloüir: adiugeant en apres, les
 droicts du Citoyen à l'Aubin, la succession
 paternelle au fils naturel à l'exclusion du
 naturel & legitime; L'heral du pauvre
 au milourt fourré, ou luy refusant souuen-
 tefois audience à l'occasiõ de sa necessité,
 ausquels ie ferois mesme repart que feit
 certaine vieille à Denis le Tyran lors qu'il
 eust refusé sa requeste, elle s'escria, Ne
 vueillez pas estre Roy, Si vous ne voulez
 ouyr les plaintes de vos subjects affligez:
 de mesme ne vueillez pas estre iuges, si

vous estoupez vos oreilles aux clameurs de tant de pauvres disetteux. Lors dis-je qu'ils exilent l'innocent, absoluent le criminel, rejettent la vertu, auctorisent le crime. Ce commerce duquel nous auons cy deuant parlé, a donné subject de creer tant, & si inutiles officiers : tesmoignage, selon Platon, d'un estat malade, lors que ce qui peut estre executé par peu est commis à plusieurs à la fatigue du peuple, maintenant que les marchans, artisans & autres gens de mestier ne songent qu'à deuenir ou Iuges, ou Practiciens, abnadonnent leurs boutiques & magazins pour apprendre la chicane : estimans par ce moyen, auoir la notice & connoissance asseuree de faire la pierre Philosophale : Les espices des Iuges qui souloient & deuoient estre presents gratuits & recompenses volontaires, sont maintenant contraintes rigoureuses pour sommes excessiues. Les salaires & vacquations des Aduocats & Procureurs, plus preiudiciables que la consequence & fonds des procez. Pour epilogue de ce mien discours Iuges, Iuges, par les mesmes voyes que vous aurez procedé à l'examen d'autrui, songez qu'il sera procedé au vostre : Et que la punition, pour

est retardifue, n'en fera que plus grande. Les Financiers, du rang desquels ie mets les partisans, comme gens de mesme farine, officiers comme les precedents puis peu de temps seulement, par l'inuention de ce Demon d'argent, qui franchit les barrieres de toute raison, en enfonce les portes, & se fait iour par tout, Sont en si grand nombre, Et l'argent du Roy passe par les mains d'un million de personnes, ignorans à tout, sinon qu'à l'Arithmetique, par theorique de laquelle ils rendent tousiours le calcul à leur aduantage: Quoy qu'ils pourroient estre mieux mesnagez par deux ou quatre, ainsi qu'il se practiquoit anciennement: leurs gages sont si grands, les concussions si ordinaires, que de toutes sortes de subsides qui se leuent sur le pauvre peuple, il n'en reuient aux coffres de sa Majesté que la moindre partie: Leur grandeur est la foule du peuple, la foule du peuple offense enuers DIEU, & par consequent la grandeur des Financiers offense enuers DIEU, puis que les finances sont en l'Estat, ce que sont les nerfs au corps humain, elles deburoient estre maniees par personnes sobres, non fameliques, libres, non esclaués de ce tyran estrā-

ger l'or & l'argent. Et au rebours autant de financiers autant de sangsues, autant de Tresoriers autant de harpies, autant de Receueurs, autant de grabeleurs du Roy & du publicq : Apres vn moderne j'oseray dire vn mot hardy, veritable neantmoins, que ceux qui derobēt les particuliers, sont aux gibets, seruent de magazin aux vents, & ceux qui volent le Roy & le publicq, viuent à leur aise, veautrez parmy les delices, par leur intelligence ils retardēt leurs payements, La solde des estrangers, les gages de plusieurs Officiers : Et cependant exigent, vsures, presents, hommes, couruees, Palottes, & se donnent par les joues des deniers de la Majesté, comme nouveaux associez à la Souueraineté, Tel qui extraict des cendres du neant, plus pauvre que cet ancien Yo, par l'acquisition d'un Office de Finance, duquel il fera le payement des deniers en prouenans, deuiet en fin, apres y auoir satisfait, vn Colosse d'orgueil, & apres auoir basti des magazins d'argent, donne librement les cent mille francs de mariage à ses filles, dot constitué de tout temps pour appannage aux filles de France. Tellement qu'il n'appartient qu'à ceux qui manient les finan-

ces de tenir rang en France : C'est vn ha-
meçon qui attire toutes sortes de condi-
tions ; Tellement que comme le Croco-
dile, aussi tost que ses petits sont éclos, leur
presente quelque chose à happer, & s'ils en
font refus la mere les déchire & met en
pieces. Auourd'huy de mesmes les enfans
ne sont pas paruenus à vne pleine puberté,
qu'ils sont instruits aux finances & à la ra-
pine : Et si quelqu'un est refusant de faire
prouigner en luy les vices de son pere, tel
est deladuoué pour fils, repudié pour le-
gitime, & desherité de la succession pater-
nelle. Nos financiers scauent que deuiant
& par où passetout l'argent de la France,
& les aucuns confessent ingenuémēt que
de tout l'argent de la taille, & taillon,
creuës, & autres impositions, il n'en re-
uiet au Roy non plus que d'une consti-
tution de rente, Scauoir quinze deniers
pour liure, le reste demeure parmy les
mains engluées de tels auortons de l'en-
fer. A Sparte, le larrecin estoit permis,
pourueu qu'il fust subtilement accompli
& sans découuerte. En France il est se-
semble, permis aux financiers de nous dé-
rober publicquement, nos yeux voyans,
l'impunité du siecle est telle, qu'ils font

gloire d'eneruer l'Estat, jetter les mains, comme l'on dit, jusques au coude dans les tresors du Roy, fouller le publicq & particulier, griueler sur tous, les trois millions de gages ne suffisent pas à des personnes si recommandees pour leur probité, il faut que les concussions (par eux appellees le tour du baston) equiuallent les mes sommes ou plus grande que celles de leurs gages : Mottiré de l'astuce des Egyptiens, qui par la subtilité d'un jouiet faict par vn baston par eux proposé aux assistans, les seduissent & leur arrachent la bourse des mains comme s'ils estoient endormis. Tel est le tour du baston de nos financiers, bien que les gages de cinq ou six fussent plus que suffisans pour la nourriture & education de toute vne province. Telles gens qui abbayent incessamment apres les richesses, ie desirerois le mespris d'un Anacreon, lequel ayant gardé l'espace de deux nuits cinq talens qui luy auoient esté donnez par Polycrate, au troisieme iour les luy remit, Disant qu'iceux l'auoient troublé de son repos, & que du temps qu'il les auoit euz en sa puissance, il auoit esté en continuelle inquietude. A telles gens qui sont ordon-

nez au maniement des finances , à la conservation du fiscq de sa Majesté , i'esouhaitterois la continence d'un Marc Curie, auquel par trois fois fut donnee l'administration de la Republicque, & particulièrement du tresor commun, ceneantmoins se contenta d'un simple domaine à luy appartenant de son patrimoine, lequel il cultiuoit lors que la commodité des affaires publiques le permettoit. Et comme quelques Ambassadeurs l'y vindrent veoir, desquels il rejeta grosse somme d'argent qui luy fut offerte , Disant qu'il priroit plus de commander à l'argent que si l'argent luy commandoit: Mais à telles gens l'antithese leur plaist , La vie deprauue d'un Scylla est leur bouffole, celle d'un Calygule est leur phare , & par ainsi voguent à l'abandon /, sans relasche, & sans bride à leur conuoise.

Les partisans gens de mesme & pire secte, enchainez dans l'enfileure de toutes sortes de vices, Loups affamez, qui n'ont en idee autres penſées , autres affections que de dresser des pieges aux brebis pour les engloutir, vermine del'enfer, engeance de Beelzebub , rauissantes harpies, Lyons rugissans, infectes Stynfzalides, hy-

dres à plusieurs testes, hyboux tenebreux, porte-faix de tous vices, elgouts de malheur, cloaques d'ordures, familiers de Pluton, desquels l'ardente conuoitise se nourrist par l'acumulation des surcharges, trempées du sang & des larmes du pauvre peuple, comme la flame s'entretient par la matiere qu'on luy suppedite, & desquels ils accablent toutes sortes de conditions, au desceu le plus souuēt de sa Majesté, laquelle, quoy qu'absent, ils font parler par les Edicts honteux qu'ils font traîner par gens apostez de prouince en prouince: Si les faux monnoyeurs qui ont imprimé l'effigie du Prince sur leurs caracteres, sont criminels, punis du dernier & rigoureux supplice, quelle peine doiuent encourir nos partisans, qui sous le pretexte d'autorité Royale, tirent exactiōs par l'imposition de leurs parties, de tout ce qui peut seruir à l'homme? Les impôts sur le sable des riuieres, sur l'arene de la mer, sur chasque pierre du logis d'un Prince mendiant en tirent vne quinte-essence si aspre, que le reste des commoditez demeure sec & aride, pires que les lyons, parce que le lyon estant saoul, ne cherche plus

che plus de proye & se contient. Là où les Partisans , quoy qu'ils regorgent de toutes parts en commoditez, ne se peuuent saouler, ne peuuent assez boire du sang du peuple, pour esteindre leur soif insatiable. Toutes nouuelles inuentions , nouuelles indictions forgez en la boutique du Démon , leur plaisent & leur apportent quelque contentement, rauissantes harpies , qui pincent & enleuent tout ce surquoy ils peuuent jeter la harpe , insectes Stynphalides , qui par l'odeur ensousfrée de vos malices, auez tellement empesté nostre France, que nous flottons d'une part & d'autre , incertains de prendre retraicte asseuree, exempte d'une telle contragion, vos inuentions tirees des Enfers, sont hydres à plusieurs testes. Si par contribution des dernieres gouttes de ses facultez, le peuple satisfait à l'un de vos parties, de l'extinction & amortissement d'iceluy, renaissent & rebourjonnent plusieurs, plus puissants & plus importants que les precedents: Mais maintenant vous nous auez reduits à telle extremité, que nous deffions vos malices & inuentions, par nostre impuissance, plus forte, plus

puissante que tous vos partis ensemble. Temistocles vn iour proposant au peuple d'Agrees certains nouueaux subsides, mit en butte pour les y faire condescendre deux Déesses, la force & la persuasion : Quoy voyant pour contre-carrier son autorité sans effort. Le peuple luy proposa, la disette & l'impossibilité, plus violentes & plus absoluës que les precedentes. Antistenes enquis qu'il estoient tels Partisans, respondoit qu'ils luy sembloient pires que les Bourreaux, appelez les Démonz des corps humains. En ce que les bourreaux esgorgēt & mettent à mort seulement les Criminels, & les Partisans meurtrissent & tuent indifferemment bons & mauuais, coupables & innocens. Cannibales Naturalisez de pays, & non de mœurs, introduicts pendāt nos combustions Ciuiles. Du temps de Cesar, comme il se plaignoit de ce que son fiscq estoit vuide, & luy en necessité d'argent, fut aduertty, par lequel vn des assistans, qu'il en auroit assez s'il se rendoit compagnons de ses Questeurs; le mesme peut-on dire que dans l'Arsenac des particuliers les tresors y abondent, & en celuy de sa Majesté la

penurie. Combien veritablement pou-
uons-nous dire d'en la Frãce ce qu'on di-
soit à Sparte, que iamais aucuns de leurs
Roys n'auoyent possédé tant de riches-
ses que Seleucus & Ptolemeus, Colle-
cteurs & Autheurs des tributs. Nos
Partisans du vice sont meritoirement ac-
comparez aux hyboux, lesquels sont tel-
lement hays du reste des Oyseaux, qu'ils
en sont contrainct cercher la nuit leur
pasture & entretien, pendant que leurs
ennemis prennent leur repos. Nos fa-
ctieux Partisans, sont hyboux hydeux,
contre lesquels la haine du peuple est na-
turelle & generale, si bien qu'ils n'osent
se mettre en euidence pendant la sereni-
té des affaires, crainte d'une huée public-
que, paroissent seulement parmy les te-
nebres d'une horrible confusion, eux &
les precedents ne sont-ils pas obstinez à
leur mal-heur, qu'ils croyent la terre pro-
duire particulièrement pour eux, qui
croyent la sueur des autres estre leur tem-
perature, & qui refusent d'apporrer la
bride de raison à leur insolence. Main-
tenant il est temps de donner trefue à vos
déprauz desseings, ou de faire retraicte,
ou que la reformation vous soit à gré, ou

vuidez nostre France , à l'exemple de
 Tyresias , qui apprenant par quelques
 enfans qui iouèrent aux osselets, combien
 le peuple estoit irrité contre luy ; preue-
 nant leur courroux sexila volontaire-
 ment. Ou faictes le mesme, ou cessez de
 nous dōner & suggerer, vos inuentions
 à nos oreilles. Paruenus d'vne extremi-
 té à l'autre des Partisans au menu peuple,
 ie le vois si semble paroistre, ayant les
 cheueux espars, & à la confusion de ses
 yeux, découler des fleuues de larmes,
 son visage terny & à demy mort estropié
 de bras, le cœur nauré d'vne infinité de
 sagettes d'ardees par les precedentes, le
 corps lasche & infirme grandement, les
 pieds foibles pilotis & soustien du reste,
 tous ses membres froissez & gesnes. Bref
 n'ayant muscle, tendon, nerf, ny artere
 qui ne soit meurtry par les mains sangui-
 naires de ceux ausquels il sert comme de
 marche-pied, quoy voyant mon poil
 s'herisse d'effroy ; ma langue demeure
 suspenduë, ma parole hesitante interrō-
 puë de sanglots, mon cœur palpite de
 crainte, mon discours parmy vn si ample
 sujet se dissippe & s'éuanoïit. Si bien
 qu'à peine puis-je former vn si pitoyable

accent, & parmy ce deffaut la restaurâre
 esperance d'une voisine consolation, d'une
 souhaittée conformation, m'excite à
 faire effort; lascher la bride à mon pro-
 pos, pour suiure la course encommêcée.
 Tellement que ne pouuant estriuer con-
 tre leurs suasions, ie me resous estaler en
 publicq, les plus internes aposthumes de
 ceste Anatomie, à la façon toutesfois que
 le peintre representoit Agamennon, lors
 du sacrifice d'Iphigenie, se deffiant de
 pouuoir par ses lineamens, à plein expri-
 mer & figurer son dueil. Les yeux voi-
 lez, la face couuerte sans estre apperceu,
 le peuple doncq' se montre doublement
 hydeux, tant par l'excès des vices, cau-
 sez par sa propre malice, qu'au sujet du
 pesant fardeau que les autres ordres luy
 ont reiecté sur les espaules, par surcharge
 duquel il est deuenu vouté & cōtre fait,
 tributaire de l'inconstance; seditieux,
 preferant sa fantasie à la raison, son opi-
 nion à la prudence, defectueux à tout, si-
 non qu'à conseruer l'obeyssance deuë à
 son Prince. La plus belle fleur d'une Re-
 publique, selō le dire de Theopompus,
 tous autres vices l'abordent à pleine vai-
 nes, à voiles ouuertes, luy commande

absoluëment. Le marchand medite incessamment au moyen de tromper ceux qui le visitent, pour achepter de luy. Le Bourgeois à piller sa ville, & ses Conci-toyens. L'Artisant vit sans foy, & sans Religio. Le Payſan fraude & deçoit ſon Maistre d'un refroigné ſourcil, murmure cõtre luy, & tous ensemble, tiennent l'odeur du lucre bon, d'où qu'il procede. Les fausetez és contracts ſont ordinaires ſoubs noms empruntez, ſoubs perſonnes deſguisees. Les faux teſmoings ſe louient à la iournee, abordent en apres ſa Majesté d'un Senat, ſans rougir de poſent de ce qu'ils ſont ignorents, comme aſſeurez meurtriers. Les faux ſermens en Juſtice ſon ieux & paſſe-temps: En cela prouient de ce que leur trauail leurs accouſtumees inuentioſ, ne ſuffiſſent pas pour ſatisfaire aux tributs qui naiſſent & pululent de iour à autre, ils ſont trophee de tromper ceux auſquels ils ont affaire, (mal-heur de noſtre ſiecle) que toutes les mauuaises humeurs qui ſleuent au corps de l'Eſtat, procedent du mauuais temperament de richesses, d'une vicieuſe habitude à tous, ſans exception de les conuoiter d'un luxe non praticqué par

nos Peres, d'une desbauche d'entendement. Ne feras-tu iamais pleine cuue des Danaïdes, iusques à quand le fruit des Lotophages nous fera-il oublier l'affection que nous deuons à nostre Patrie? iusques à quand la Couronne enuoyee par Medee à Blauca, Huylee de Naphte, consommera-elle par son subtil poison, nos cerueaux pleins de fumee, d'une si pestilencieuse exalaison, iusques à quand nous couurirons-nous du mâteau, pourpre teint du sang de Nessus, enuoyé par Dejaura à Hercule. Combien long tēps cest Aconit suere nous fera plaisant au goust? pernicieux au cœur, combien long temps prefererons-nous l'apparence d'une fumee passagere, à l'inextinguible feu de la raison. Ceste derniere partie de l'Estat, la plus grāde en troupe, la moindre en credit, ordonnee pour obeyr, non pour commander, semble estre l'esgout, auquel rejallissent les ordures du reste, le cheual de bagage chargé du pesant faix de leurs inuentions, sous lequel il ne peut subsister, & se treuve recru. Il est l'object de leurs iniques desseings, si le noble remarque quelque chose qui luy diuise, il faut d'autorité l'auoir, quoy

que le Iuge au besoin, il faut que l'Artisan, ou le Payſan le luy, fourniſſe, pour recompence d'un diſcours artificiel de promeſſes fondees, ſur le ſable mouuant de ſes affectionſ. Le Financier eſt nourry de ſon labeur, luy & ſa famille deuorēt ſa ſubſtance. Le Partisan eſt celuy qui plus l'afflige, par le jeēt & rejeēt de nouvelles indiētions, l'applicquant aux queſtiōs ordinaires & extraordinaires, pour le rompre, rōpu ſuccer la moüille de ſes os, c'eſt celuy qui vit de ſon bris, le contrainēt mourir és priſons hoſtel-Dieu, & fouuant à ſa porte, ſans en auoir mercy, au contraire, comme les Tȳgres s'exciēt au ſon du tambour, eux de meſmes, s'animent à leur clameur, tiennent telles ou ſemblables paroles. Ce coquin a encores vn haillon, qu'on me luy oſte, eſtrange Metamorphoſe, damnables feēte d'Épycuriens, pires en ce qu'ils viuēt à leur mode, & n'en ont la creance, qui viuent ſans auoir appris à viure, & ſans eſpoir de reuiure, dont les axiomes ſont tels. Pillons, trompons, butinons ſur tout, viuons à l'abandon, ſans retenüe, ſans humanité apres noſtre deceds. Nos ſucceſſeurs honorerōt noſtre memoire,

priſe-

priseront nos labeurs, & nous en sçauront gré, & pour lors nous n'aurôs plus besoin d'aucune chose: Centaures, Lerues, monstres qui vivent à la mode des brutes, retiennent seulement l'apparence d'estre hommes. La source & l'origine de tant de maux, l'or, & l'argent, enfoncez dans la terre par l'œuvre de nature, tirez & mis dehors par la malice des hommes, pour seruir de pretexte à leur brutalité, qui a faict dire à ce venerable Licurgue, enquis cōbien de temps floriroit l'Estat de Sparte, & quand il viendroit à se défeuiller: Tant & si long temps, l'Estat de Sparte retiendra son embonpoint, que ses Citoyens fuiront, l'appetit glouton des richesses. Le peuple ressemble à vn soldat, qui le iour de bataille meurtry des coups, acerez de ses ennemis, tombe estendu sur la place, non encor mort, reduit aux derniers abois, sur lequel passent & repassent hōmes & cheuaux, amis, ennemis, proches & estrangers, sans en prendre pitié. Ou bien au cerf viuement poursuiuy par le subtil veneur, lequel apres auoir parcouru de forest en forest, contraint de se rendre entre les mains des chasseurs, n'a

recours qu'à ses pleurs. Le corps commun de l'Estat ressemble à vn gouteux, qui au lieu de se conseruer, faire diette, obseruer le regime de vie præsrit par ses medecins, vit licencieusement, yurõgne nuit & iour, consomme la plus grande partie du temps à la picorée venèrienne, parmy les delices, augmente par ce moyen ses douleurs, accroit & excite sa rage, ennemy de soy-mesme: En cas semblable, nous n'auons membre en l'Estat des trois fudites conditons, qui ne soit vicié, en danger de pourrir. Ce neâtmoins la Philantie & complaisance de nous mesmes, nous entretient, nos habitudes vicieuses nous delectent, le mal nous est vne souefue odeur, le biẽ & la reformation vne puante charõgne, nous sommes en ce punais & sans odorat, ladres & sans sentimēt. Que maintenant j'appelle tous les Medecins, Empyricques, Physiognomistes, Chirurgiens, Apoticquaires, & autres gens de telle profession, qu'ils me dient s'ils ont oncquẽs cisailé, corps humain si affreux, si vlcéré, remply de tant de creuasses, de tant d'apostumes, & de tant de cicatrices, lepreux, verolez, meseaux, vos corps

font plus saincts , vostre chair plus frefche , que celle de cy deuant. Et parce que plusieurs auroient iuste subiect de censurer mon escrit , blasonner mon action , si par reflexiõ ien'aduoüois qu'en toutes ces susdites conditions, il s'y rencontre des personnes d'une singuliere integrité , ie l'atteste vray , leur douce conuersation m'en ayant donné connoissance valable , & telles gens sont encor en nombre , pour repliquer comme cest Ancien , lequel pressé de dire s'ils estoient beaucoup de gens de bien en Sparte. Assez dit-il, pour chasser les meschans. Il est tout vray , qu'en l'Eglise y a des Ministres qui viuent d'une sainte & irreprehensible vie, mille Religieux, desquels les prieres parent aux coups de la Iustice de Dieu, sans lesquels il décocheroit sur nous de son puissant Arsenac , toutes sortes de maledictions. Parmy les Nobles , plusieurs ont encores retenu les marques d'une excellēte vertu, plusieurs dont le courage affermit de la trempe de fidelité, qui interieurement detestent & abhorrent l'inhumanité du reste , dignes de commander, & estre obeys. En la Iustice, parmy tant de Parlements, tant de

Presidiaux, tant de Iustices Royales, & subalternes, y a de bons & équitables Iuges, qui ont l'oreille ouuerte aux plaintes, des oppressez, tiennent l'équilibre de la Iustice, & le font pancher du costé de la raison, fermes, incorruptibles, semblables aux meres Perles, lesquelles sont au milieu de la Mer, sans receuoir vne seule goutte d'eau Marine. De mesme ces nourrissent de Themis, tiennēt leurs mains nettes parmy l'aisée, & frequente corruption de leurs compagnons d'Office, auxquels j'offre pour consolation le dire de Senecque, *Que iamais on ne fut plus ouuertement vicieux, qu'en la presence de Caton.* Il y a quelques Financiers, peu toutesfois, qui pour manier l'argent du publicq, & du Roy, ne s'enrichissent pas pourtant, dédaignent les richesses comme chose mecanique, conseruent sans fatigue les sujets de sa Majesté, semblables à ces douces fontaines, qui se trouuēt vers les Isles Chelidoines, emmy la Mer, sans qu'elles retiennēt rien de la saleure d'icelles. Au regard des Partisans, ils sont tous tels que nous les auons dépeints. Ce seroit vne grand cōtrariété, d'estimer qu'il y eust vn Parti-

fan sans coulpe, homme de bien, veuf de
 peruerſes affections, puis que leur but,
 leur intention ne viſe qu'à mal faire. Il
 eſt deſormais temps de mettre l'anchre à
 noſtre vaiſſeau: le mettre à la rade, &
 d'apporter quelque ſerenité à noſtre vi-
 ſage. C'eſt aſſez vogué parmy les Pro-
 montoires, les Caribdes, les Syllés vo-
 rantes. Le temps eſt venu auquel ſa Ma-
 jeſté, comme Medecin tref expert, pro-
 met nous rendre noſtre playe côſolidée,
 l'heure approche d'une ſaine conualeſ-
 cence, en attente de laquelle François,
 (nom plus beau que tous les Eloges por-
 te-foudres des Anciens) dreſſons nos
 cœurs au Ciel, appendons nos vœux aux
 pieds du Crucifix, que tous generalēmēt,
 bons & mauuais, empoignent l'occafion
 au poil, puis qu'elle eſt chauue & labite,
 vous (S I R E) de qui comme du Moly
 d'Homere, ou de la verge de Circé dé-
 pend noſtre deſenſorcellement, de qui
 la ſeule parole peut diſſiper le nuage de
 nos malheurs, & nous rendre la clarté,
 d'une vie fortunée, duquel la puissance
 eſt ſans limite, L'autorité ſouueraine
 & abſoluë, arbitre de la vie, & de la mort,
 de vos pauvres ſubjects, vous l'Image de

Dieu, son fils Adoptif, vous le tableau vif de ce grand HENRY d'heureuse memoire, vous son reiecton & sa plante, en laquelle nous voyons iournellement rebourionner toutes ses vertus, qui naturellement gauchissez & hayssiez le vice, caressez la vertu, embrassez ses mignôs, esteignez par vos ordonnances, les feux de discorde, la cause de nos maux, brisez le nœud gordien des malheurs de vostre France, qui la rendent pietonne des vices, vostre legitime heritage. Arrachez en l'yuroie pour auoir le bon grain: Alexandre, SIRE, surnommé le grand, Petit neantmoins, à comparaisson de vous, estant en l'Auril de son aage, pensif & plorant, se plaignoit de Philippes son Pere, de ce qu'il entendoit trop au loing ses conquestes, estimant qu'il ne resteroit assez ample carriere au monde pour exercice de sa valeur. Ce neantmoins, ses victoires, ses conquestes, ses heroïques faicts, excederent de beaucoup ceux de son pere Philippes: Vous de mesmes, (SIRE) aurez subject de plainte, repassant en vostre memoire les glorieuses actions de vostre pere, meditant sur icelles, s'il auoit borné ses victoires, sans es-

poir de pouuoir passer outre. Il vous a
 laissé pour essay de vos plus tendres an-
 nees, preueni par les Parricides mains de
 cet infernal aspic ranale Rauaillac. La cō-
 seruatiō de vostre Patrimoine, à remet-
 tre l'ordre requis & necessaire en toutes
 les Prouinces de vostre Royaume, ice-
 luy remis, le maintenir sans secouffe,
 poudroyer les perturbateurs du repos
 publicq, exiler le crime & les factieux;
 planter les semences d'vne pleine paix,
 oster tout subiect de plainte à vos pau-
 ures subiects, rendre la France au perio-
 de de toutes perfection, trophées plus
 glorieux, victoires plus prisees que tous
 les triomphes, des Philippes & des Ale-
 xandres ensemble, puis qu'il y a plus de
 prudence & d'auantage de peine à con-
 seruer les choses acquises qu'à les acque-
 rir. En apres pour rassasier vostre cou-
 rage, la conqueste infailible des Otho-
 mās, L'annexe de leur Empire au vostre,
 comme au fils aîné du Ciel, lequel vous
 deuez seconder en sa iuste querelle. Ia-
 mais Minorité des Roys de France ne
 s'est passée avec tant de repos, tant de
 trāquilité, tant d'affection, tant de bien-
 veillance populaire (*Precieux trezors des*

grands) ne iamais aussi vos subjects n'ont
 bouclé leur esperance d'une ferme reso-
 lution d'obtenir quelque relasche à leurs
 fiéures quotidiennes, comme à present
 par la resolution des Estats conuocquez
 par vostre autorité, pour donner au-
 dience à leurs infirmités. Si tous les bös
 François s'esioyſſent de ce qu'ils voyent
 sur pied tout disposé pour remettre la
 France en sa pristine splendeur, quel in-
 dicible contentement leur apportera sa
 definition? si aux plus tendres années de
 vostre vie, vous calmez, les Borrascques
 excitez en ceste Mer, boursoufflée de per-
 uerſes affections, croissant en vertus cö-
 me en aage, nous deuons attendre que
 nostre ſiecle demandra la honte des pas-
 ſez, la loüange & l'admiration de l'adue-
 nir. En ce ſainct project à vostre aduene-
 ment, tous vos subjects d'un ſainct En-
 thousiasme s'escrient, non comme les An-
 ciens, Que puissiez-vous estre aussi heu-
 reux qu'Auguste, & meilleur que Traiā,
 ains à l'exemple de vos ayeulx, aussi for-
 tuné que ce grād inuincible HENRY,
 autant bon que vostre ayeul S. LOUIS.
 Ce ſont les deux deſquels pour vous ap-
 partenir de conſanguinité, les vies vous
 ſont

font offertes pour eschole, leur mœurs
pour y mouler vos desportemens, leurs
reigles pour y conformer vos actions,
leurs loix, pour estre vos ordonnances.
Et comme les Medecins tiennent qu'aux
maladies extrêmes & desesperées, il con-
uient y apporter des remedes egaux ex-
trêmes, & non vsitez. De mesme, grand
Prince, la France est reduitte à telle ex-
trémité de maladie, que vostre seule au-
thorité luy peut seruir d'eau de vie, ou
d'une salutaire rubarbe, pour faire re-
bondir & rejeter de l'estomac tout ce
qui y est entré des pernicioeux. Comme
le mesme Soleil endurecit la bouë, & a-
molit la cire, vos ennemis s'estourdissent
à l'ouuerture d'une action si importante,
lors de l'execution deuiendront abbatu-
en leur force emouffée, vos amis au
contraire s'eslouyffent & se baignent à
une si louable proposition. Le Ciel mes-
mes jaloux de nostre bien, comme ses
affidez seruiteurs, prend part d'une si
douce harmonie. Les Zephyrs, comme
messagers à cest effect, les Roses, les ce-
lestes influences, les fauorables constel-
lations nous en rendēt preuue oculaire.
Moy (SIRE) le moindre de vos sub-

ieets, à l'exemple du fils de Croesus, muet de nature, lequel voyant vn soldat ennemy disposé de plonger son espée dans le sein de son pere, transporté d'une filiale affection, rōpit soudain les nœuds qui retenoient sa parole, & forçant les loix de nature, s'escria Ne tuez pas le Roy mon pere; De mesme voyant mes Compatriotes ouurir leurs dents canines, dresser leurs griffes, pour deschirer la Frâce ma chere Patrie, d'une langue balbutiente, & empeschee, d'une voix rude & grossiere, le m'exclame qu'ils se desistent d'une si ridicule & indigne entreprise. Et parce qu'ils sont sont acharnez comme loups affamez à la curee, le recours à vostre Majesté, l'ombre de laquelle peut apporter vne terreur Panique à ces inhumains, la seule parole de laquelle les peut mettre en fuite, les peut faire refugier à quelque antre cauerneux, pour y conuiuer: vostre autorité, le bien cōmun de vostre peuple, toutes les vertus hommaiges de vostre renom vous en font tes humble requeste. Reste à executer. Et partant rendez (Sire) les eslections à l'Eglise, ou à tout le moins qu'aucun ne soit par vous admis aux charges, qu'il n'e soit

iugé capable , astraint d'en faire la fonction, & actuel seruice : Remettez ses Ministres en autorité , maintenez les en leurs priuileges, chassez toute sorte de symonie, toute iniuste & tyrannique possession , puis que iournallemēt ils presentent leurs offrandes pour vostre prosperité : Conseruez leur acquits , que le bien qui leur est dedié ne soit diuertý, la iouýssance toleree à des personnes laïques, Eux respectiuellement feront florir l'Eglise Gallicane en doctrine, en pieté, tascherōt à l'enuy de meriter les charges lors que tous illegitimes moyens leur seront interdits : Le Ciel prendra mesme soin de vostre personne que vous tesmoignerez l'auoir de ses Temples & de ses Officiers: L'heresie déuouílee de ses faux pretextes aura hōte de sa nudité, prēdra quelque pudeur : Les Idoles cherront d'elles-mesmes : Ceux de la pretenduē religion verrōt à clair leurs abus, & las de leur libertinage , se rendront au giron de l'Eglise : Mouleront leur creance à la nostre, comme à la pure, solide, celeste, & Angelique: Conseruez semblablement vostre Noblesse en ses immunitez , de tout temps autorisee par vos predecesseurs, comme appuis & estançons de la Couronne: Distribuez les charges Militaires & au-

tres dignitez à ceux qui reluisent en merite,
 aux vns pour solde & recompense de l'es-
 corte fidelle qu'ils ont renduë à vostre Ge-
 niteur: Aux autres, pour la connoissance de
 leur valeur, pour estre cimentez entieremēt
 à vostre seruice: Que toute faueur, toute ve-
 nalite en soit forcloiē: Que ceux qui appro-
 chent de vostre personne ioient nets de cor-
 ruptions, exēpts de crimes, & mesmes de
 soubçon: Renouuellez les Edicts si souuent
 reīterez contre les Duelistes, damnable &
 Satanique coustume, vostre conscience y
 estant engagee, puis que qui tolere le mal,
 il semble le permettre; eux au reciproque,
 s'euertueront de paruenir aux dignitez par
 vne assiduë escrime des exercices de vertu,
 cesseront de tenir leurs bras en arcade croi-
 sez d'oisiuerē, n'espargneront leur vie pour
 la conseruation de vostre personne & de vo-
 stre Estat, affamez d'honneur se disposeront
 à vous suiure & seruir, aller veoir & vaincre
 les terres des mēcreans, Pourfuiuront les
 victoires de cet ancien Geoffroy, Bornerōt
 vos conquestes du dernier recoin des terres
 decouuertes, accumulant sur vostre pre-
 cieux chef Couronne sur Couronne: Re-
 mettez la Iustice Tutrice des Empires en
 son exercice: Supprimez l'effreneē legion

d'Officiers , de Iudicature , reduisez les au nombre ancien , exilez toute venalité ; toute corruption , Que nul ne soit promu aux charges , qu'il ne soit consommé en aage & experience , en doctrine & sçavoir , profond en Sageste . Laquelle comme vne eauë d'une creuse cisterne , ne puisse estre espuisée , que toutes vos ordonnances soiēt inuiolablement obseruées , qu'il ne soit plus loysible aux Magistrats de prendre espicces , & presents : Et qu'à cet effect ils soient mediocrement gagez , & pour lors la Iustice estant la base , & fondement de toutes republiques , l'orage des vices ne pourra en façon quelconque esbranler vostre France , puis que par elle tournent , & agissent tous les ressorts de sa subsistance . Supprimez semblablement l'insolète troupe des Financiers , grandement importante à l'Estat , qu'ils soient reduits à vn nombre petit , limité , & necessaire , que leurs gaiges excessifs soient retranchez au moins d'une moitié . Ou mieux admettez l'offre fait autrefois par toutes les Prouinces prestes à le confirmer , de rendre & conduire liquident tous les deniers de vos tailles , & autres impositions aux coffres de vostre Majesté en vostre Arsenac , desquels elles demeure-

rōt responsables', vostre interest vous y inui-
 te, le bien de vostre peuple. | ous excite à ce
 faire; que toute audience soit desinée & de-
 fenduë aux partisans nos ennemis mortels
 & irreconciliables, & au cas qu'ils s'effor-
 cēt à leur accoustumee d'enfreindre & vio-
 lervos loix, qu'ils soient offerts en victime
 pour le repos du public. Noubliez pas Sire)
 de soulager vos infirmes, subiects (Le but &
 le nort de nostre dessein) subuenez à leurs
 necessitez, essuyez par vos liberalitez dignes
 vertus d'un Prince tel que vous, les ruisse-
 lantes eaues decoulees de leurs cœurs par
 l'office des yeux, remettez vne partie des
 tailles, estouffez tant de nouueaux partis,
 faictes que tous s'entreaydēt de leurs fortune-
 nes, que les biens faicts du Ciel & de la ter-
 re soient communiquez à tous, non selon le
 dire de Tullus Hostilius qui tenoit le vray liē
 de paix estre la mutuelle communication
 des commoditez seulement selon la diuerse
 & differente condition des personnes, aux
 vns plus aux autres moins; que cōme les Ty-
 gres, & les Lyons n'attaquēt les animaux de
 leurs especes, que l'homme, & par expres le
 François n'absorbe la substance de son voi-
 sin, de son proche, de son frere germain: la ri-
 chesse du peuple vous est vn assure thresor,

à laquelle vous pouuez auoir recours toutes & quâtesfois que l'vrgente necessité vous en pressera. Tout au contraire, si vous permettez que l'or & l'argent soit disperlé es coffres de quelques particuliers : Et par ce moyen vos subjects reduicts à vne necessité déplorable, lors qu'ils n'en pourront plus vous perdrez vostre droit : soulagez vostre France soulageant vostre peuple, qui implore, prosterné aux pieds de vostre Majesté, ceste naturelle bonté des Princes de Bourbon, pardonnez à leurs cris, à leurs importunités, leur infirmité les y pousse, leur necessité, dame violente les y esguillonne, leur harangue est d'une longue haleine, le suiet est ample aux pauures oppressez. Les Macedoniens reiectez d'Alexandre, mal traictez de luy, le vindrent trouuer sans armes, nuds en chemise crians, plorans au deuant de sa tente : En cest estat l'espace de deux iours : vostre peuple de mesme desnüé de commoditez, descharné de faim, s'escrie, se lamente, implore terre & ciel, resolu de prendre fin en cet estat ou d'obtenir soulas à leurs douleurs Darius s'estant enquis si ses subiects n'estoiēt point surchargez d'impôts, apprenant qu'ils l'estoient mediocrement, en ceste incertitude leur remit la mō-

tre : le mesme requerons nous avec cest ad-
 uantage que nous sommes certains les sur-
 charges estre grandes, le peuple tirer à sa fin.
 Ce sera (Sire) le trepied de Iason, vos villes,
 vos subiects, se rendront imprenables à
 leurs ennemis : ce sont les ressorts d'affermir
 vostre Empire, & de rendre vostre
 France vnanime.

FIN.

